

諮詢經典解滯釋疑首謝罪愆則无患矣

凡夢及出行見遊光炫煥雨雪紛披從高墮下器物翻覆皆頭當有疾急存腦神按手摩肩修懸額上明堂洞房丹田諸宮擇取東井之水香藥合和為湯沐掃傳香三過可止勤

心禮懺瞻仰三尊首謝罪愆則无患矣

凡夢及出行見水火散決羅網縱橫船車翻覆裸露驚奔皆心腹當有疾急思心神左手掩心右手掩臍臨目閉氣極則微吐之平又閉如此九可止精深沐浴謹事續明嚴除殺想動止向南候元氣所行見清真首謝罪愆則无患矣

愆則无患矣

凡夢及出行見聞戰打擊擔多負重倒踣折傷武操僵仆行杖動刑陰陽相侵皆腰背機關心有疾病急存腦神交手掩脇拾之二十

咽氣叩齒各二七可止思惟所行破戒違科即改革之宜有施恩便自營理諫諍止訟檢口抑身勿妄出入行坐卧起皆務防慎安徐顧望周正心身首謝罪愆則无患矣

凡夢及出行見人物相利食啖非常翻覆男

女倒亂陰陽皆使身當疾急存膚神兩手相摩獎將通體極而後已又為之三周可止誦習戒律精尋玄言除滯去感寡欲少私首謝罪愆則无患矣

凡夢及出行見人物驚奔大火大鳥獸紛

汨劫賊狂酒兵戈縱橫狗虎逐噬不識之人

妄云有舊皆身當卒病急存實神女子口訣青龍白虎更互摩握二七過止勤遵玄素无負黃書生人生子必依師言首謝罪愆則无患矣

凡九事之中萬億條緒端坐聞見與夢行同精按斯旨衆患自消无勞醫藥則不假祈請矣

凡除患清身知變華意意正身清然後入定入定道可成不定真弟降弗能降真豈能得道得道由降真降真由清正清正而不得道未之有也

未之有也

洞真太上八素真經占候入定妙訣

洞真上清龍飛九道尺素隱訣

白羽黑龍飛玉符

太上大道君以上皇元年二月一日甲子於無量天告盟傳北極真公時九天上帝高仙大聖並臨盟場五帝東帶萬靈侍軒日月吐

暉五宿列精七元開闢黃道不行天地停璣三界肅清絳霞隨陰紫雲四審時和日慶八景敷陳君裂帛華晨之下授訣口口之中發言九天遙唱命諱上帝稱欣天真稽首魔王束形保舉玄虛位登玉清命五老監試四司輔真左右侍仙命盟告靈依俯仰之格北向祝曰

寒飛登場上命九靈運度推移日月不停是時吉晨赤心解形銜刀南宮喻丹寒庭金羊

銀鴈禮獻上清裂素分天告盟于經請如四極萬劫一傾有泄我言禍罰七玄有負我盟













考滅爾形生死謝責長閉九冥畢於是裂素度經口授秘言天真下降五帝衛靈九宸給以金晨玉童九百人九皇給以玉華之女七百人五皇又給五帝玉女各五百人五老命

駕四司仗幡紫雲飛軒十二瓊輪前道鳳歌
 後從玄鈞六師啓路九龍翼轅以迎於真公
 上登玉清北晨上宮遊宴七元迴旋五宿歷
 步天關位登總仙治於北極廣靈之宮至開
 皇上年以文付東華青童大君依格萬劫一傳
 龍飛尺素之道出於九天上帝以戴天地九
 晨五星空常之名高上寶秘靈音故為盟文
 自非前生九劫逆注玄簡錄字上清應為真
 人者不得貯其篇目參其隱音也得見此文
 生死成仙能修其道則神光流映帝皇下降
 七年隱淪變化百方出入幽冥浮景九空十
 四年白日登晨飛昇玉清有宗無經但朝禮
 神真則致長生延壽無窮千禍不干萬凶不
 當兵災殄滅身向皆成出入則致九星垂陰
 項負圖光五帝營衛所在司迎尅得奉侍聖
 君於上清宮

紋繡九十尺五色紋繡各五十天詣有經之
 師對齋百日或七十日或七日於玄嶽壇
 高寂之地書文北向分盟度設以金羊五兩
 告五星銀鴈九兩告九晨二物禮天受經奉
 師效心于時露於壇場之上以絳文之中請
 羊著東白文之中請薦著西告誓九天分盟
 各半口度秘名臨度之時亦依上祝之法可
 謂寶道貴真誓不泄漏之盟矣無盟輕傳師
 及弟子同考減身七祖充實萬劫不原上天
 之禁宜各審詳登盟之時弟子執羊鴈北向
 九拜次五方各一拜西起竟南運西伏東向
 置羊鴈於師左右師於中央北向叩齒九通
 稱某獻真人某甲敢以良時上吉三合嘉晨
 露登皇壇披形赤心清齋請瑞列盟于上天
 願高上垂映顧盼某甲北帝所舉某獻先生
 某甲先身永成真道不經輪轉九天流祚不
 絕宿名玄簡運靈命得目披洞章口誦帝一
 貪羨神仙仰希靈契令輒於某天之中投度
 羽章飛空之訣上告萬帝至極元皇高仙大
 聖無量道君願垂迴映曲監盟誠以玉清上

官真仙之氣補侍甲身告五帝五嶽萬靈河
 海大神共監盟文請如所奏依格以傳



 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>	 <p>坤 <small>上坤下坤 重九</small></p>
---	---	---	---	---	---	---	---	---	---	---	---

033 A.M. 7-0



尺素左半

當以白素三尺書此文令一半左一尺上兩半合中央符受者以紫筆書請朱筆書又及符師度請請玉童玉女侍衛受者身昇於中央符裂分各半佩身男受取左女受取右以丹錦為囊請文當心每不可冒生死之穢三犯天宿奔潰五老號泣魂精失散亡神失魄不移年而喪身九天上禁慎之則天靈玄映神真下降身生水火萬化自從也

太上飛行羽經昇玄上記元始九天父母太真丈人同宴景龍之典從桑林千真蓋騎飛仙巨虬御輪流電迅煙縱體適運口歌靈篇逍遙玄丘之洞解懸清波之邊遊盤紫之館息駕無崖之端是時天元煥明五晨迴光三素流雲散煙吐芳飛香繞日散散太無華光交換三燭合明凝真上契咀嚼日根食玄注虛披朗金章洞嘯九微靈暢瓊軒妙思感於太寂內念啓於自然以明上皇元年三月三日元始啓旦忽致玄靈垂降白鸞之車黑翮之鳳口銜素章飛行羽經登空步虛真訣玉

精飛仙真煙羣神衛靈庵雷九霄之上煥赫

玉虛之庭來降於太真玄授寶經是日太真丈人方退齋上清時太帝君就微三素元君天帝太微天帝君高上玉皇之賓咸同降坐焚百和之香五色神官淨號玉位列于紫宮衆真禮經旋行三周三素元君起立西向發玄朗之音誦慶真羽章以讚神其辭曰

鶴沫太虛館靈風散奇香蕭蕭玄景上微颺翼太陽素鸞迅飛鳳口銜神羽章翻翻振九霄悲鳴煥玄梁妙訣乘空發清治道未央羣真並稱慶稽首禮玉皇誦畢

太帝君又起立北向誦曰

玄鳳迅雲翻白鸞欣躡踏飛香和芳華流景耀雲衢巨虬控長轡飛仙杵相扶萬真慶嘉吉欣鳳虛中遊元始本无跡玄感自相求振羽不待駕颺羣煙浮寶章綜玄剛五體御靈符稱慶衛福庭旋香各三周誦畢

天帝君起立東向又誦曰


素羽班玄翻乘浮落運迴流香溢十天芳芝鬱太微靈章啟幽機羽經朗玄輝至道本元

曠持真景自飛於是誦畢


太真丈人身建法衣冠極天無量三寶玉冠
衣無縫九色飛空輝光羽童左佩流鈴右帶
七元正南而伏太微天帝君起命羽仙侍郎
攀執金梭請經北向長跪以授於太真衆仙

咸稱善太真立受經面發金光五體即生自
然靈飛玉符登攜衆真共登白鸞之車駕黑
翻之鳳以宴常陽東之蒙林碧水之境扶桑
之墟九源之口西遊玄羽素野之域濛泥之
濱南造朱陵極炎之精南夏之邑北到朔陰
洞玄之館寒水之鄉中盤十絕黃氣陽精太
玄玉京金臺玉室丹瓊之宮遊朗十天八域
洞清總領德真无天不係无幽不關无氣不
統无仙不攝普御羣神自天帝以下莫不統
德於太真仰宗於羽經也於是帝君各淨玄
宮經劫七千傳於太上大道君焉


上靈飛玉符玄仙羽精自然之章佩之七年



乘空飛行上登七元修羽經飛步之道无此
符則不得乘虛昇玄受者青錦九尺盟天
登修之日書左手掌心即握碧霞而飛行書
青繒九寸佩之左統六甲十二神玉女十二
人侍左




下靈飛玉符元始之精羽玄玉章佩之九年
乘空飛行上登五星行飛步昇玄之道无此
符則不得乘空而行也受者素錦六十尺盟
天登修之日書右手掌心即能握素靈而飛
行書白繒九寸佩之左統六甲十二神靈飛
玉女十二人侍右




左靈飛玉符玄氣始生之精素羽之章佩之
九年乘空飛行上登五星行飛步昇玄之道

无此符則不得躡雲玄登也受者丹錦八十
尺盟天登修之日書左足躡即能躡空飛行
書絲繒九寸佩之統六甲十二神靈飛玉女
十二人侍前



右靈飛玉符元氣之精昇玄羽章佩之九年
得乘雲飛行步玉清修飛步昇玄之道无此
符不得躡於七元而昇虛也受者玄錦五十
尺盟天登修之日書右足躡即時躡玄而飛
書皂繒九寸佩之統六甲十二神靈飛玉女
十二人侍後



太靈飛玉符陽氣黃精飛行羽章佩之九年
面生金光坐在立亡飛行太虛修飛步昇玄
之道无此符則不得仰登皇魁超昇九玄受
者黃錦十二尺盟天登修之日書符於心即

能吐氣成雲乘雲而行書黃縉九寸佩之左
統六甲十二神靈飛玉女十二人侍身凡修
行存思七星之道入室皆先服五符然後書
也書及服皆東向叩齒十二通仰呪曰
玄虛敷清飛行羽經上映雲霞下攝千靈控
御六甲運我身形飛步天元上舉斗精凝魂
固魄內填充盈出空入玄與氣常生畢服符
書五心然後行事如此九年剋得乘空御雲
飛行太清左右雲飛玉符出於自然之氣玄
授太真以登空步虛舉魁躡剛纏落七玄上
昇玉清之道以備飛行羽經得之者神仙佩
之者成真人修之者致白鸞之車黑翻之鳳
來迎子身上登玉官遊宴常陽太上大道君
以傳上元太素君大微天帝君施行道成秘
於太上靈都之宮依科三十年一傳不得輕
泄宣露天真遺盟負誓身役鬼官殃及九祖
充閉幽泉 前符並未書

洞真上清龍飛九道尺素隱訣

洞真太上三九素語玉精真訣

洞真太上三九素語玉精真訣

通八

三九素語玉精真訣
九天丈人三天玉童以上始元年天甲吉辰
時加北維移度停軒三元齊景九帝迴真登
高上玉館紫虛之天三九素語披解靈關玉
精真訣理命長存開究遼明清暢蕭條玉音
秀虛瓊音逸霄香風激无慧唱避家流芳深
順氣冠神颺玉檢總御萬仙來朝斯玄古之
妙化經萬劫而不彫撰真訣以遺觀試來心
於懸翹若金名東華綠字紫庭得受妙為位
登玉清三關啓機九戶受靈面登金容五藏
華榮金真感暢豁落洞明神燭潛照寶光夜
生流金交擲煥落火鈴嘯命立到驅策神兵
三元詣房降致綠軒乘空駕虛飛騰上清
上相青童君曰三九素語出於九帝三真命
呪之辭理氣停年開解靈關五藏華鮮子有
玉骨得見此文密告明誓誓信九天階修其
道慎勿妄宣宣示非人考延子身不但風刀
殃速七玄明慎天科以求道真九年不懈剋
得上仙

訣文以九天丈人三天玉童同時傳太帝君
天帝君太微天帝君太帝君以傳南極上元
君天帝君以傳西王母太微天帝君以傳金
闕聖君金闕聖君傳上相青童君青童君傳
西城王君使付後學應為真人者承其相統
氣係皇篇至王君已經七千餘劫王君後封
靈文於玉屋山西穴玉室之內有素靈之官
侍香典文其道秘妙不行於世若有玄名遇
得此文萬仙來朝八官衛身愆行苦思白日
昇晨
凡受上清道德三寶妙章步虛昇玄之道而
不先釋五藏開理幽闢萬氣不固真靈不欣
徒勞勳事萬不得仙今誤王訣上帝妙言以
傳後學秘而奉真慎勿輕傳殃滅子身每至
本命之日沐浴入室東向叩齒九通冥目思
東方青帝少陽九靈真人諱拘上生身長九
寸頭戴九元之冠衣單青飛裙手執青精玉
板乘青雲飛輿從十二青柱玉女從天清陽
宮中來下以青雲冠覆我身思九靈真人乘
雲氣入我身中安鎮肝內使三呼少陽九靈

三三一四九七